

v. 3.

synæ suæ patrociniò conservetur. Ratio ista illustratur similitudine imbris improvisò cadentis, cum nubes plenæ fuerint (quæ nubium imprægnatio quomodo, quandoq; fiat; & in quam partem terræ sese exoneraturæ sint nubes, nemo hominum scit, & arboris, quæ in quam partem casura sit, nemo scit, dum erecta stat; sed quæ cadit, quem invenit, opprimit. v. 3. Tales casus fortuiti videntur homini, sed certi sunt apud Deum, & ipsius dispensatione reguntur, nunc in pœnæ, nunc in singularis custodiæ exemplum. Luc. 13: 4. Ita turris, quæ ceciderat in Hierosolymitanos, fortuitò videbatur eos oppresisse: sed Servator ostendit, omnes peccatores, nisi resipiscant, similiter perituros; hora, qua non putant. Ut laqueus, venit dies Domini in habitantes terram. Consolationem verò pii habent in istiusmodi casibus, quòd pilus de capite eorum non cadit sine voluntate patris eorum cœlestis. Et conservatio mirabilis in periculis tam decretoriis promittitur à Christo Matt. 24: 40, 41. *unus assumitur, alter omittitur.* 42. *Vigilate igitur, quia nescitis, qua hora venturus sit.*

v. 4.

ij. prætextus incommoditatis adimitur cum ignaviæ, tum tarditati ad benefaciendum:

1. à jactura commoditatis, quæ est in expectatione ejus: quam comitatur jactura ipsius boni. Parabolicè proponitur ea ratio. *Qui servat, hoc est, observat ventum, timens seminis dissipationem & contusionem, vel ventum genialem expectans, inimicum verò germinationi vitans, non seminabit.* Vix nunquam ita benignum aut tranquillum cœlum erit, ut nullum sit sementi à vento incommodum. Virgil. 1. Georgicon. *Prætereant sunt Arcturi sidera nobis Hædorumq; dies servandi & lucidus Anguis; Quam quibus in patriam ventosa per æquora vectis Pontus & ostriferi fauces tentantur Al ydi.* Item: *Hinc tempestates dubio prædiscere cœlo possumus, hinc messisq; diem tempusq; serendi.* Qui spectat nubes, timens pluvias, non metet. v. 4. Sensus: Sæpissimè fieri potest, ut, dum differtur opus ob alicujus incommodi præsentiam, & alia opportunitas expectatur, occasio bona amittatur. quia rarò ulla opportunitas est ita sincera, ut nihil adsit molestiæ & incommodi. Ignavia & animi alienitas à bono opere tempus alienum causari solet. Sedulitas & seria voluntas amolitur, perumpit, superat omnes difficultates, primamque occa-

occa-